

КПСС-н ЦК-н июньск Пленумин токтавриг таасдж дөнънллгън

„Эрк биш орулдж ѳгдг тӓвциг болн МТС-н кӳдлмшин тӳлӓ натуроплат ѳгдгиг уурулхин тускар, селӓнӓ эдл-ахун хот-хол белдлгънӓ шин дигдарана, унин болн условийин тускар“ 1958 джилии июнин 18-д ур Н. С. Хрущевин кесн докладар авгдсн КПСС-н ЦК-н Пленумин токтавриг Сарпинск района, „Гигант“ колхозин колхозникуд икӓр таасдж, колхозин эдл-ахуг улм цааранднь ѳргджулхмн гидж шинӓс даалгъвр авцхав.

—Селӓнӓ эдл-ахун делгрлт-иг улм цааранднь ѳргджулхд эн токтавр йоста кевӓр колхозд ѳргмдж ѳгчӓнӓ,—гидж парторганизацин сеглӓтр ур Лымарев келв.

Ода эн колхоз мал ѳсклгънӓ джилӓ зурагъан давулдж кӳцӓв. Бод мал ѳсклгънӓ зурагъан 105,5 процент, хӳд ѳсклгънӓ—110,3 процент, шовуд ѳсклгънӓ—158 процент кӳцӓв. Малас шим-шӳус гаргългъиг икдӳлдж, мах, ус, тос болн ноос государствд орулдж ѳглгъӓрн районд негдгч бӓӓр эзджӓнӓ.

Эн джилин тӳрӳн ѳрӓлд мах государствд ѳглгънӓ зу-

рагъан давулдж кӳцӓв. Эн джил 5910 центнер мах, 660 тонн ус, 1472 центнер ноос государствд орулдж ѳгх зурата. Терӳгӓн болзгаснь урд кӳцӓхин тӳлӓ хӳбчнр, малчнр, болн саальчнр хӓлӓдж-хардж-ах малдан килмджӓн ѳгӓд асрсна ашд эн джилин тӳрӳн ѳрӓлд государствд орулдж ѳгх махна зурагъан 108,2 процент, ус—105 процент, ноос—114 процент кӳцӓв.

Эн джилӓ мах, ус, тос ѳглгънӓ зурагъан июнин чилгч кӳртл 70 процент кӳцӓхӓр эдн шиидв.

Колхозин саальч ур Ф. И. Калининченко январин нег шинӓс авн июнин 23-н кӳртл саалин укр болгънас 1200 литр ус саадж авб. Саальч ур Б. Манджиева январин нег шинӓс авн июнин 23-н кӳртл саалин укр болгънас 1000 литр ус саадж авб.

Ода колхозникуд малдан хойр джил кӳрх хот белддж авхар, хӳ киргългънӓ кӳдлмшиг цаглань тӳгсӓдж, тӓрӓ хуралгънд сӓн белдвртӓгъӓр гархар гудждрджӓцхӓнӓ.

Б. БОРИСОВ.